



UNIVERSITÄTS-
BIBLIOTHEK
PADERBORN

Universitätsbibliothek Paderborn

Locorum Communium Religionis Christianæ Partitiones

Arnoldus <Vesaliensis>

Coloniae, 1565

VD16 H 312

Caput 35. Qua de causa, & quomodo permissum in Euangelio diuortium?

urn:nbn:de:hbz:466:1-30256

LOCORVM COMMVNIVM

Furiosi etiā & amentes, quamdiu tales permanēt, contrahere nō possunt

Sed & ille, qui cū sorore vxoris sue dormit, neutrā illarū habere debet: & vterq; sine spe cōiugij remanebit.

*Aug. in
lib. de ser.
Domini in
monte.*

Necq; verō propter infirmitatem corporalem dimittere licet coniugē, sed magis hoc ipso alter alteri auxilio esse debet.

Caput 35.

Qua de causa, & quomodo permissum in Euangelio diuortium?

Matt. 16,

VXorem vir dimittere potest propter adulterium, & hoc si ipse simili crimine pollutus non sit Quod si vterque reus sit, neuter propter hoc alterum potest dimittere.

Si verō propter adulterium vnus separati fuerint, neuter alij copulatur, altero superstitē, possunt autem inuicem reconciliari.

Quod si vir adulteram penitentiam non agentem retineat, criminis particeps videtur: Repulsam tamen etiam & penitentem reconciliare sibi poterit, nisi sēpē recidat.

Nec potest quis vxorē ducere eam, quam

L I B E R I I I I.

quā prius per adulteriū polluit, si ipsa machinata sit in mortē prioris mariti: & alter alteri, adhuc priore marito viuente, fidē deducendo dederit.

Caput 36.

Quando personæ conditio irritum facit matrimonij contractum?

Mulier libera seruum ducere potest: similiter & vir ingenuus, ancillam. Quod si libero de seruitute alterius constitit, fixū erit matrimonium: sin autem deceptus est, dimittere potest quam duxerat, simulatque sit certior factus.

Potest & esse coniugium inter virum & mulierē, si ambo seruilis sint cōditionis, dummodo volūtas dominorū vtriusq; accesserit: imō secundū quosdā dominis etiā dissentientibus.

At si coniunx liber seruum se fecerit præter coniugis suæ cōsensum, per hoc nec separabuntur, nec ipsa serua efficitur. *Matt. 14.*

Matrimonium etiam contrahi nō potest, nisi masculus decimumquartum habeat annum, & puella duodecimū: aliās separari possunt, quamuis ex cōsensu parentum id factū sit. At si post discretionis annos volue-

I 4 rint